

Lèva te vite Bertomieu

1 - Lèva te vite Bertomieu
lèva te per l'amor de Dieu
vai te'n veire sus la teulada
çò que se passa dins la prada
e se quicòm charma ton uèlh
donaràs un còp de fiulèl.

2 - Vesi venir tres mossurets
totes ribans, totes boquets,
que ne cantan tant bèles aires
en l'onor de la verge maire,
per encantar lo rei del cèl
que ven salvar tot Israèl.

3 - Vai te'n cargar lo gilet blanc
per anar veire aquel Enfant.
Espia plan lo cèl, escota,
nos podèm pas trompar de rota.
Anem, anem, fasèm camin,
arribarem de bon matin.

4 - L'estèla que lusís de luènh
nos menarà a Betelèm.
E quand n'aurem trobat l'estable
ont es aquel Dieu tant aimable,
li ofrirem nòstres presents,
no'n tornarem totes contents.